

Ndwenngoenz Gyajseizndat

暑假生活

Gyajseizndat, lauxsae baeuqaeq aen yinvu ndeu—Hag guh gak cungj hong. Ngoenzneix daxmeh hawj gou hag cawj byaek, daxmeh couh youq henz son, daxmeh hawj gou guh lwggwz、makyungz ceuj yangzcoeng. Gou couh naemj sawqsawq ba, gou hauej ranzdajcawj bae. Ngamq hainduj ronq byaek, gou ronq lwggwz gonq, aeu aen lwggwz hung cuengq gwnz heng, gou nyinhnaeuz wnggai mbouj yungh ronq baenzlai, dan aeu buenq aen couh ndaej lo, daxmeh ei gij naemjap gou, hawj gou ronq baenz gaiq. Ngamq hainduj gou ronq ndaej miz di hung, hoeng geij baez le, gou ronq ndaej yied daeuj yied yinz, yaep ndeu couh cang buenz lo, ciep dwk aen makyungz caeuq buenq aen yangzcoeng hix ronq ndei lo.

Gou caepcawq ceuj byaek, hai feiz aeu aen rek cuengq gwnz feiz, caj raemx gyang rek hauq liux, cuengq di youz ndeu roengz rek bae gonq, caj youz ndat le, aeu byaek haxbaenh ronq ndei haenx cuengq roengz gyang rek bae, yienzhaeuh ceuj bae

ceuj dauq, ciep dwk caiq gya song beuzgeng gyu, hag yiengh daxmeh, cix mbouj lumj saekdi, hoeng yaep ndeu, heiq rangfwtfwt, yawj hwnjbae henjrdw hawj vunz myaiz rih.

Mwh gou ceuj byaek, roxnyinh gij byaek neix gaeng gwn ndaej lo, naemj cimzcimz, hoeng daxmeh cungj naeuz caengz baenz, gou youh naemj daxmeh ceuj byaek cib geij bi lo, cijndei laebdaeb ceuj. Daxmeh lwnh gou, cuengq di raemx ndeu roengz rek bae, lij ndaej baujcwng byaek mbouj remj, gou naemj neix dwg aen banhlap ndei ndeu, ngoenzneix youh hag ndaej banhlap ndei lo! Yaep ndeu, daxmeh naeuz seizneix ndaep feiz bae gonq, yungh farek goemq rek, oemq byaek yaep ndeu, yaepyt gou couh caj mbouj ndaej daek byaek cang buenz lo! Gij byaek gou ceuj haenx daxboh daxmeh cungj haenhndei, baez ceuj byaek neix ceuj ndaej baenz, aeu laebdaeb roengzrengz, aeu byaek ceuj ndaej engq baenz gwn!

Doenggvaq baez daejniemh neix, gou rox lo:



Cawj haeux, hix aeu gangj dinghsim, mbouj hawj gij saek baihrog caeuq heiq de yaeuh, lumj hagsib ityiengh, feiz hab le, cij suenq guh ndaej baenz!

(Meij Dusah)

Va Byaekyouzcai

油菜花



Ndit rongh ndei, mbwn seuqcingh, duzyiuh youq gwnz mbwn gvangqlangh neix gvaengx bae gvaengx dauq, lumj seizseiz caepcawq coemj roengzdaeuj nei. Ndwn youq henz rij, muenghyawj dieggay, yawj raen benq dieg henjrdwrd ndeu, lumj aen haijyangz saekgim nei, gvangqlangh dangqmaz. Daj gwnz gemh, daj ndaw doengh, daengz bakdou ranz bohlungz guhnaz, cungj dwg va byaekyouzcai ndei yawj raixcaix. Gou nyaenx mbouj ndaej byaij hauej ndaw doengh va bae. Benq vahaij lanz da gou, lumjbaenz gou couhdwg duj va byaekyouzcai ndeu, duzrwi youq gwnz ndang gou aeu dangz, gou yiedcingz dongx de.

Ganj va byaekyouzcai dwg saekheu, sohswdswd, lumj boux bingdawzneuz ityiengh. Limqva dwg saekhenj, lumj duz biengzbeih saekgim; simva lumj diuz dem diuz mumh saekhenj; vafaenj lumj aen dem aen bingzyw iq. Va byaekyouzcai baenz cien baenz fanh cingq doxdongx, sojmiz cungj dwg yienghhaenx huzndei. Va byaekyouzcai gig bingzciengz, de mbouj lumj vamauxdan yienghhaenx fouqgviq, mbouj lumj vasuijsen yienghhaenx yienghndei, hix mbouj lumj vameizgveiq yienghhaenx gyaendei, hoeng gou gyaenz de raixcaix, gyoengqde doxgiet rengzrdw. Doenghnaz couhdwg aen daizheiq gyoengqde, gyoengqde youq gizneix angq ciengq, raq rumz ndeu baed daeuj, gyoengqde couh diuqfoux hwnjdaeuj, lumj boux dem boux canghdiuqfoux youq ndaw rumz diuqfoux nei.

Gou hix gyaenz gij cingsaenz va byaekyouzcai, gyoengqde lumj bang Leiz Fungh iq, limqva rozreuq le ndaej guh youz, hix ndaej hawj duzrwi aeu dangz, couh guh baenz dangzrwi, lij ndaej hawj vanzging bienq gyaendei. Va byaekyouzcai cungj dwg caegcaeg okrengz, va byaekyouzcai geijlai fouzsei、gyaendei ha!

(Yiz Hauyenz)

Daxmeh Feigyaeuj Hawj Gou

妈妈给我理发

Mboengqneix, daxmeh daengx ngoenz youq gwnz muengx senjleh gak cungj hongdawz feigyaeuj, lij cazyawj gij sibinz feigyaeuj, gou laihnaeuz daxmeh yaek hai bouqfeigyaeuj ne! Byawz rox, gingqyienz dwg baenzneix……

“Mwngz yawj, seizneix doxgaiq hwnjgyaq, fei aen gyauej ndeu cungj aeu 30 lai maenz, mboujyawx gou bang mwngz feigyaeuj, cienz byaej roengzdaeuj aeu hawj mwngz ndaej mbouj ndaej?” Daxmeh lumhlumh aen’gyaeuj gou, riunyumnyum naeuz.

Yienznaeuz ndawsim gou mbouj



cingznyienh saekdi, hoeng hix mbouj gamj doi daxmeh, cijndei cengqgengz dapwngq. Hoeng daxmeh dauqdae mbouj dwg cienmonz feigyaeuj ha, faggeuz youq ndaw fwngz bouxwnq yungh ndaej raeuzrwdwrd, daengz fwngz de lumj fagcuiz nei naekradrad, faggeuz seiz mbouj seiz nap byoem gou, daxmeh youh yungh rengz rag, in dwk gou raemxda cungj lae okdaeuj bae.

“A——” Gou in dwk nyaenx mbouj ndaej hemq hwnjdaeuj.

“Mbouj yungh faggeuz lo, lauheiq yungh aen feigyaeuj dienndei gvaq.” Daxmeh mboujeiqsei yawjyawj gou. Hoeng, de loengh le baenz byongh ngoenz, aen feigyaeuj dienndei lumjbaenz mbouj dingq vah saekdi. Gou baez yawj cij yawjraen dwg aen feigyaeuj dienndei mbouj miz dienndei lo. Ae, daxmeh “ngunh” gou ha!

“Hawj mwngz riu lo!” Daxmeh riunyumnyum, ganjgip bae cungdienndei.

Doeklaeng, daxmeh roengzrengz mbouj soeng, yiengh byoem moq gou dauqdae fei ndaej baenz lo. Yienznaeuz gij ginggvaq feigyaeuj miz haujai goj, hoeng mwh gou yawj aen gingq raen yiengh byoem moq, nyaenx mbouj ndaej haenh naeuz: “Yienznaeuz ginggvaq ‘dwgrengz’, hoeng doeklaeng lijdwg mbouj loek bw!”

Seizneix, daxmeh cingq baet byoem gwnz dieg haenx naj riunyumnyum, caemhcai naeuz: “Baezlaeng feigyaeuj, ginggvaq hix aeu bienq ndaej mbouj ‘dwgrengz’ lo!”

Mbouj lo, lijmi baenzlaeng dem ha!
(Huzbwz Swngj Vujhan Si Meizyen Siujyoz Vangz Swjyui)